



ル 5  
1353  
4

















十七年改曰安慶軍慶元元年升為安慶府元至元十四年置安慶路總管府明洪武初改曰甯江府六年復曰安慶府

本朝先為巡撫部院及按察使司治所乾隆二十五年又移安徽布政使司治此

府境 東西距四百五十里 南北距二百七十五里

八到 東至廬州府無為州界一百五十里 西至湖廣蘄州界三百里 南至池州府東流縣界九十里 北至廬州府舒城縣界一百八十里 東南至池州府界一百二十里 西南至江西九江府治四百十里 東北至無為州治三百二十里 西北至六安州界二百八十里 自府治至京師二千七百里

土貢 紵布 酒器 葛粉 蠟 茶 長春藤 百解 白

管縣六

懷甯 桐城 潛山 太湖 宿松 望江

懷甯縣 衝繁難郭下 有寶皖錢局練潭驛皖口長風三橋 三鎮巡檢二駐長風三橋

春秋時皖國在縣西北漢皖縣地晉安帝置懷甯縣在今潛山縣治宋端平二年始隨安慶府移治于此

大江自湖廣黃梅縣界流入逕宿松望江及縣西又東北逕桐城縣入廬州府界與江西湖口彭澤二縣及池州府東流貴池銅陵三縣對岸

呂蒙城在縣東二十里梅城在縣北七十里

皖口鎮在縣西十五里皖水入江之口也三國吳嘉禾六年使諸葛恪屯于廬江皖口長風夾在縣東五十里即古長風沙宋史周湛傳湛為發運使以舒州長風沙其地最險鑿河十里避之人以為利



桐城縣

衝繁難西南至府一百二十里

乾隆府州縣圖志卷八

有陶冲呂亭二驛

練潭從陽二鎮

檢四駐六百丈練

潭鎮北破馬踏石

春秋時桐國在今縣北漢置從陽縣屬廬江郡後漢省梁時復置兼置從陽郡隋開皇初郡廢十八年改縣曰同安屬同安郡唐屬舒州至德二載始改曰桐城

從陽河在縣東南一百二十里漢書武帝紀薄從陽而出即此今曰練潭河

從陽故城在縣東南隋同安故城在縣南劉宋陰安僑縣在縣東南呂亭廢縣在縣東北

魯鎮城在縣南七十里

潛山縣 衝繁東南至府一百二十里

有青口驛石潭一鎮  
巡檢駐天堂寨

漢皖縣地晉以後為懷甯縣地宋端平三年徙廢元至治三年

始分懷甯之清朝玉照二鄉改置潛山縣

皖山在縣西北舊傳山之南為皖山北為潛山東為天柱山

皖水今名長河源出縣西北天堂山東南流合潛水至懷甯縣

西南入江潛水今名前河源出天堂山相近之羅源山曰羅源

澗東南流逕縣城北又東合皖水

唐皖城故城梅城故城在縣北皖陽故城在縣北二十二里安

樂改城在縣南

同安監在縣東宋熙寧八年置鑄銅鐵

吳塘陂在縣西潛水所經三國魏劉馥為揚州刺史興治吳塘

諸塌以溉稻田歷代修築

本朝康熙十一年復修

太湖縣

衝難東南至府二百二十里

有小池驛馬路口一  
鎮巡檢二駐後部白



漢皖縣地宋元嘉二十五年以豫部蠻民立太湖左縣屬晉熙郡後省泰始二年復置隋開皇初改縣曰晉熙十八年復曰太湖以縣西太湖得名

故縣在今縣東北二里齊東陳廢縣在縣東四十四里唐青城廢縣在縣東

宿松縣 衝繁難東北至府二百六十里

有楓香驛便民倉歸林灘二鎮巡檢二駐小孤山涇江

漢松滋侯國後漢省梁時置高塘郡隋開皇初廢郡改縣曰高塘十八年又改曰宿松

雷池亦曰大雷江一曰大雷口今名揚溪河源出湖廣黃梅縣界逕縣西北又南流至望江縣入江

漢松滋廢縣在縣北五十里舊縣埠其河亦曰舊縣河

望江縣 簡東北至府一百二十里

有華陽雷港吉水楊灣香艸馬頭六鎮巡檢駐華陽

漢皖縣地東晉安帝置新治縣屬晉熙郡陳因大雷戍置大雷郡隋開皇初郡廢十一年改縣曰義鄉十八年又改曰望江唐武德四年于縣置高州尋改智州七年州廢屬嚴州八年屬舒州

連塘城在縣西

徽州府 繁疲難

原額人丁二十一萬八千三百一十三又滋生人丁八百二十四

禹貢揚州之域春秋屬越戰國屬楚秦屬鄣郡漢改丹陽郡都尉治歙建安十三年孫權分屬新都郡晉屬新安郡梁末分置



新甯郡陳省新甯仍屬新安郡隋開皇九年平陳省郡始改置  
 歙州治休甯縣大業三年改歙州為新安郡義甯元年始移治  
 歙縣唐武德四年置歙州總管府貞觀元年府罷天寶元年復  
 曰新安郡乾元元年復曰歙州五代初屬吳後屬南唐宋宣和  
 二年改曰徽州元至元十四年升徽州路二十五年明太祖改  
 興安府吳元年改徽州府

府境

東西距三百九十里  
 南北距二百二十里  
 東至浙江昌化縣界一百二十里  
 西至江西浮梁縣界二百七十里  
 南至浙江遂安縣界一百里  
 北至甯國府太平縣界一百二十里  
 東南至嚴州府淳安縣界一百二十里  
 西南至江西樂平縣界一百七十里  
 東北至甯國府甯國縣界一百五十里  
 西北至池州府石埭縣界一百六十里  
 自府治至京師二千八百五十里

入到

土貢  
 麻布 白苧 箬 紙 黃連 銀鉛 桃花米 柿  
 心 黑木 硯 墨 茶 木 竹 漆 問政山笋  
 玉面狸 榧子 石耳 蠟 桐油 翼魚 藥

管縣六

歙縣 休甯 婺源 祁門 黟縣 績溪

歙縣 繁疲郭下 有街口新館嚴寺三鎮巡檢三駐黃山街

漢舊縣屬丹陽郡為都尉治隋開皇九年省入休甯縣十一年  
 復置隋義甯初汪華始于此築城自休甯移郡治于此

黃山在縣西北六十里與甯國府太平縣接界原名北黟山唐  
 天寶六載改今名飛布山在縣北一名布射山一名勒山昔因  
 寇亂有歙縣主簿率百姓保據此山改新唐書云歙有主簿山  
 也烏聊山在縣城內東南隅吳志歙賊帥毛甘萬戶屯烏聊山  
 漸江水在縣南源出婺源縣界東逕休甯縣東南三十五里與



吉陽水會曰率口又東入縣境合練溪水謂之新安江入浙江  
嚴州府界

唐北野廢縣在縣北歸德廢縣在縣西南

休甯縣繁疲東至府六十里有巡檢駐坎厦

後漢建安十三年孫權分歙縣置黎陽休陽二縣屬新都郡三  
國吳時避孫休諱改休陽為海陽晉又改為海甯劉宋大明八  
年省黎陽入海甯梁末又分置新甯郡治此陳郡廢隋開皇中  
于縣置歙州十八年改縣曰休甯

齊雲山在縣西四十餘里

汶水在縣南源出自際山北流二十里入浙水圖經云按其道  
里卽李吉甫所云浙水也

休陽廢縣在縣西黎陽廢縣在縣東南海陽廢縣在縣東萬歲

山上

五城在縣西南

婺源縣繁疲東北至府二百四十里有三吳高沙二鎮巡  
檢駐項村

唐開元二十八年分休甯縣西南界置元元貞元年升婺源州  
明洪武二年復舊

率山在縣西北一百二十里圖經其陰水東流為浙東南至海  
甯入海其陽水南流為廬西南至彭蠡入湖班固云漸江水出  
南蠻夷中東入海

婺水源出縣西北太廣山南流九十里至縣遶城與斜水合縣  
以此名焉

縣故城在今縣北清化鎮

祁門縣疲難東至府一百八十里有巡檢駐大澤嶺



漢黟縣南界地唐永泰二年置縣曰祁門分黟浮梁二縣六鄉  
廣焉以縣東北一里祁山得名

林歷山在縣西八十里今止名歷山

縣故城在今縣西唐永泰元年賊方清于此偽置昌門縣刺史  
長孫全緒討平之因其舊城置縣改名祁門大歷五年又移于  
東面臨大溪西枕小山

梅銷城在縣西十五里

黟縣簡東南至府一百四十里有魚亭廟口二鎮

漢舊縣隋開皇中縣廢十一年復置

吉陽水一名黟水源出縣東北十五里吉陽山至休甯縣率口  
入浙水

縣故城在今縣東五里

績溪縣疲難西南至府六十里有巡檢駐濠寨

梁大通元年分歙縣置梁安縣陳廢唐大歷二年復分歙置績  
溪縣李吉甫云北有乳溪與徽溪相去一里竝流離而復合有  
如績焉因名

大障山在縣東六十里吳越于此分界山海經三天子障山郭  
璞注今在歙縣東謂之三王山有大鄣水郭璞又以謂卽浙江  
水也按大鄣水出績溪縣東南至歙縣界練溪始與漸水會或  
亦漸水之別源耳又徽嶺山在縣西北李吉甫云涇水所出  
梁安廢縣在縣西南

汪王城在縣東

甯國府繁難

原額人丁六萬一千七百六十三  
又滋生人丁五百二十



秦以前同徽州府漢元封二年改置丹陽郡治宛陵晉太康二年改丹陽置宣城郡仍治宛陵宋元嘉五年割屬南豫州泰始二年還屬揚州四年又僑置南豫州治宣城郡五年罷齊永明二年仍屬南豫州梁承聖元年又于郡置南豫州隋平陳郡廢改州曰宣州大業初復曰宣城郡唐武德三年復曰宣州兼置總管府貞觀元年罷府天寶初復曰宣城郡乾元初復曰宣州景福元年升為寧國軍節度天復三年罷五代楊吳復置宋乾道二年升為寧國府元至元十四年升寧國路總管府屬江東道明初吳元年改曰寧國府

府境 東西距二百二十里 南北距三百三十五里  
 八到 東至廣德州建平縣界六十里 西至池州府銅陵縣界一百六十里 南至徽州府績溪縣界一百二十里 北至太平府當塗縣界一百二十里

東南至浙江於潛縣界二百二十里  
 西南至池州府石埭縣界三百里  
 東北至江蘇高潛縣界七十里  
 西北至太平府繁昌縣治一百三十三里  
 自府治至 京師二千七百四十五里

土貢 銅 鐵 苧 紙 薑 茶 漆

管縣六

宣城 涇縣 南陵 甯國 旌德 太平

宣城縣 繁疲難郭下 有水陽黃池二鎮巡檢分駐

漢置宛陵縣初屬鄣郡元封二年為丹陽郡治晉為宣城郡治隋初改縣曰宣城

敬亭山在縣北一名昭亭山一名查山

青弋水在縣西源出池州府石埭縣之舒溪及太平縣黃山合流北出麻川口入涇縣與涇水合又北滙為青弋江班固云宛



陵縣清水西北至蕪湖入江

宛陵故城卽今縣治按李吉甫云宣城郡在宣州郭下隋自宛陵移于今理則今縣治非漢宛陵之舊矣晉遼遼僑縣城在縣北六十里

温城在縣東二十里

彭澤聚在縣西南班固云宛陵有彭澤聚

涇縣 疲難北至府一百里

有桑坑赤灘黃沙三鎮縣丞駐杏村巡檢駐茹麻嶺

漢置縣屬丹陽郡晉改屬宣城郡唐武德三年于縣置南徐州尋改爲歙州八年州廢仍屬宣州

水西山在縣西南五里琴高山在縣東北二十里下有琴溪

涇水在縣南發源績溪縣徽嶺流入縣界名涇水漢縣以此名縣故城在縣西三國安吳故城在縣西南

桓公城在縣東四十里烏溪嶺蘭石在縣東七十里晉桓彝遣將軍俞縱守此下又有俞將軍走馬城勇里在縣西北後漢建安中孫策擒太史慈于此

南陵縣 繁難東至府九十里

有鷺嶺一鎮

漢置宣城縣後漢省晉初復置隋開皇初廢入南陵縣唐長安四年始移南陵縣于今治

淮水在縣南班固云桑欽言淮水出陵陽縣東南北入大江

宣城故城在縣東四十里青弋江上晉當塗僑縣在縣北

甘公城在縣北七里

永豐陂在縣東南唐咸通五年置溉田三萬餘畝又有大農陂

在縣南溉田五萬畝

甯國縣 簡西北至府九十里

有岳山湖樂杜遷三鎮巡檢二駐岳山湖樂



三國吳分宛陵置甯國縣隋平陳省入宣城縣唐武德三年復置

銀山在縣東六十里舊有銀冶久廢

五湖水在縣東北四里

縣故城在今縣南十三里三國吳懷安故城在縣東南

烏石城在縣南九十里

豪塹關在縣東南百二十里路通浙江於潛天目山

旌德縣繁難北至府二百二十里有巡檢駐三溪

唐寶應二年析太平縣東界置

箬嶺在縣西南七十里西接太平縣南接歙縣境為二府通道

楚王城在縣北一百里

太平縣疲難東北至府二百二十里有巡檢駐宏潭

唐天寶四載析涇縣置永泰中省大歷中復置

縣故城在縣北

池州府衝繁

原額人丁三萬一千九百七十四  
又滋生人丁五千一百一十

秦以前同徽州府漢為丹陽郡之石城縣晉改屬宣城郡梁屬南陵郡陳置北江州隋為秋浦縣仍屬宣城郡唐武德四年始置池州貞觀元年州廢仍屬宣州永泰元年復置亦曰秋浦郡屬江南西道南唐置康化軍宋曰池州池陽郡建炎四年置江南東路帥府尋罷還屬建康元至元十四年升為池州路明曰

池州府

府境東西距三百七十里  
南北距二百三十五里

八到東至甯國府南陵縣界一百五十里  
西至安慶府望江縣界二百二十里



南至徽州府祁門縣界二百二十里  
北至安慶府桐城縣界十五里  
東南至甯國府太平縣界二百里  
西南至江西彭澤縣界二百里  
東北至太平府繁昌縣界二百里  
西北至安慶府懷甯縣界一百二十里  
自府治至京師二千八百里

土貢 銅 鐵 苧 麻 棕 茶 紙 漆 薑

管縣六

貴池 青陽 銅陵 石埭 建德 東流

貴池縣 衝繁難郭下 有池口上清溪靈芝白洋殷家灘李陽河六鎮縣丞駐碧潭巡檢駐李陽

漢置石埭縣屬丹陽郡建安中孫策徙丹陽都尉治此晉初改屬宣城郡隋開皇九年廢入南陵縣十九年復置改曰秋浦唐武德四年于縣置池州貞觀元年州廢遷屬宣州永泰元年復

為州治五代楊吳順義六年始改名貴池仍為州治

齊山在縣南三里其西有齊山湖為石山在縣西一百四十里

唐廣德初為賊陳莊方清所據

大江自江西彭澤縣流逕東流縣入縣北又東經銅陵縣西又

東入太平府界舌分江水在縣西今涸班固云丹陽郡石城分

江水首受江東至餘姚縣入海過郡二行千二百里貴池水在

縣西一名池口河秋浦水在縣西南八十里

石城故城在縣西七十里地名鐵店梁南陵郡故城在縣西南

武林城在縣西六十五里

青陽縣 衝難西至府八十里 有金山陵陽慕善吳潭四鎮

漢陵陽涇二縣地三國吳赤烏中分置臨城縣晉屬宣城郡隋

廢入南陵縣唐天寶元年分涇南陵秋浦三縣地置青陽縣屬



宣州永泰元年割屬池州五代南唐改屬江甯府宋開寶八年還屬池州

九華山在縣西南四十里五溪河發源于此

臨城廢縣在縣南五里臨城鎮晉定陵僑縣在縣東北定陵鄉有大通順安黃許城洪四鎮巡檢駐大通

銅陵縣衝繁西南至府一百二十里

漢陵陽春穀二縣地三國吳臨城縣地東晉後為定陵縣地梁為南陵縣地唐末分南陵置義安縣屬宣州尋廢為銅官冶南唐保大元年始置銅陵縣屬昇州宋開寶八年改屬池州銅井山在縣東二十里出銅又銅官山即廢南陵縣之利國監也在縣南十里南唐置利國場後改為銅官場歲久銅乏場廢又梅根監在縣東樂史云六朝以來皆鼓鑄于此鵲頭山在縣北十里左傳昭公五年楚以諸侯伐吳吳敗諸鵲

岸李吉甫云鵲頭即春秋時鵲岸宋元嘉末武陵王駿自尋陽

東討元凶劭軍于鵲頭

義安廢縣在縣東順安鎮

劉胡城在縣東四十五里

石埭縣疲難西北至府一百六十里有留口一鎮

漢置陵陽縣屬丹陽郡晉初改屬宣城郡咸康二年改曰廣陽隋平陳廢入涇縣唐永泰二年割秋浦青陽涇三縣地置石埭

縣屬池州

陵陽山在縣北五里

石埭在縣西有三巨石曰頭埭曰中埭曰三埭

縣故城在今縣西北五十里今名七里街唐敵州故城在縣東

漢陵陽故縣在縣東北二里



建德縣

簡東北至府一百八十里

有永豐一鎮巡檢駐

漢石城縣地唐初為秋浦縣地至德二載始分置至德縣屬江州又屬饒州永泰元年始屬池州五代楊吳順義初改曰建德石柱嶺在縣東南五十里有石柱高數丈又十里曰良禾嶺路通徽州府祁門江西浮梁二縣

梁太原僑郡在縣南今名太原鄉

堯城在縣南又縣北二十里有舜城李吉甫云舊傳兩帝南巡至此

東流縣

衝難東少北至府一百八十里

有香口吉陽漚汝趙屯四鎮巡檢駐吉陽

漢豫章郡彭澤縣地梁置晉陽和城二縣屬太原郡隋平陳仍廢入彭澤唐會昌初置東流場于和城舊縣五代南唐保大十

一年升為東流縣屬江州宋太平興國三年改屬池州

馬當山在縣西南七十里橫枕大江為古今至險安慶之宿松

彭蠡之九江皆以此山為界又吉陽磯黃石磯並在縣北瀕江

梁晉陽僑縣在縣東北晉陽鎮

太平府

衝

原額人丁五萬九千三百八十七

又滋生人丁六百五十七

秦以前同徽州府秦為丹陽縣屬鄣郡漢屬丹陽郡晉初分置于湖縣仍屬丹陽郡咸和初始分丹陽郡于湖僑置淮南郡四年又僑置豫州宋大明三年割郡屬南豫州五年徙州來治六年改淮南置宣城郡八年復曰淮南郡泰始三年還屬揚州四年又屬南豫州五年又還揚州齊永明二年復置南豫州梁末州廢隋平陳郡廢改縣曰當塗仍屬丹陽郡唐武德三年復于



當塗置南豫州八年州廢屬宣州五代初屬楊吳後屬南唐保  
大末于當塗置新和州尋改雄遠軍宋開寶八年改曰平南軍  
太平興國二年升為太平州屬江南東路元至元十四年升為  
太平路明為太平府

本朝因之分巡安徽甯池太廣道及分防同知竝駐蕪湖

府境

東西距九十里  
南北距二百一十里

八到

東至江甯府溧水縣界八十里  
西至和州界十里

南至壽國府南陵縣界一百六十里  
北至江甯府江甯縣界五十里  
東南至甯國府治一百八十里  
西南至池州府銅陵縣界一百六十里  
東北至江甯府治一百里  
西北至和州治九十里  
自府治至京師二千四百六十五里

土貢

銅 鐵 鱗魚 葦菜 石綠 紗 烏昧州

管縣三

當塗 蕪湖 繁昌

當塗縣

衝繁郭下

有薛店青山黃池慈湖四鎮巡檢二駐  
采石大信

秦置丹陽縣漢屬丹陽郡晉太康二年分置于湖縣僑立淮南  
郡隋平陳郡廢省于湖縣改置當塗縣屬丹陽郡唐武德三年  
為南豫州治八年州廢屬宣州乾元元年改隸昇州上元二年  
還屬宣州五代南唐于縣置新和州宋為太平州治

九井山在縣南十里伏滔北征記丹陽山南有九井大司馬桓  
温所鑿也今五井已竭四井通大江龍山在縣東南十二里青  
山在縣東南三十里一名謝公山亦名青林山博望山在縣西  
南三十里亦名天門山與和州對岸江西岸曰梁山樂史云楚  
人獲吳餘艘于此山上有却月城平渚山在縣西北二十里一



名采石自三國以後常為重鎮赤金山在縣北十里出好銅與金類淮南王書及班固所謂丹陽銅也

大江自池州銅陵縣流入經繁昌縣北蕪湖縣西又東北經縣西境與和州分界

丹陽湖在縣東南七十里湖心與深水高渚分界慈湖在縣北四十里後漢末吳將竺融屯兵于此今湖已涸其餘水流入大江姑孰水在縣南一名姑浦

丹陽故城在縣東晉書以山多赤柳故名今亦曰小丹陽與江甯縣接界于湖故城在縣南三十八里三國吳為督農校尉治梁南丹陽廢郡在縣北

謝公城在縣西北  
采石城在縣西北二十里采石山

蕪湖縣

衝繁難東北至府六十里

有魯港驛河口一鎮巡檢駐

春秋吳鳩茲邑漢置蕪湖縣屬丹陽郡以縣東南蕪湖得名晉咸和四年僑立豫州于此甯康中又僑立上黨郡改蕪湖立襄垣定陵遂適三縣義熙中省上黨郡為縣宋元嘉九年又省上黨縣入襄垣隋平陳廢襄垣入當塗五代南唐復分置蕪湖縣屬金陵府宋開寶末改屬宣州太平興國二年屬太平州

礪磯在縣西七里江中  
古中江在縣南亦名蕪湖水班固云蕪湖縣中江出西南東至陽羨入海唐宋時築銀林五埭中江不復東而宣歙諸水皆由縣境西出達大江青弋水在縣東南自宣城縣北流入又北逕當塗縣境合姑溪入江

縣故城在今縣東三十里周十九里遺址畧存吳黃武初徙今



治晉南豫州故城在縣東二里今之五面場是也晉上黨僑郡城在縣西南

古鳩茲邑在縣東四十里左傳襄公三年楚子重伐吳克鳩茲卽此

王敦城在縣東北一里

蕪湖鈔關在縣西河南岸將軍港明崇正初設以權商稅爲戶部分司又河北岸河口鎮有抽分廠明成化七年設管竹木之稅爲工部分司今併歸一所巡撫侍郎委分巡兵備道權理

繁昌縣 簡東北至府一百三十里

有黃澣一鎮巡檢二駐荻港三山

漢置春穀縣屬丹陽郡晉屬宣城郡元帝于縣僑置襄城郡及繁昌縣甯康中改春穀曰陽穀尋罷襄城郡及陽穀縣入繁昌屬淮南郡梁末改置南陵縣兼置南陵郡陳置北江州隋平陳

州郡俱廢以縣屬宣城郡唐長安四年徙廢五代南唐始復置

繁昌縣屬昇州宋初屬宣州太平興國二年改屬太平州

銅山一在縣南二十里一在縣西七里戰烏山在縣西北一名

靈山三山在縣東北三十五里竝臨大江

鵲洲在縣東北大江中宋泰始二年劉子助使陶亮屯軍鵲洲

縣故城在今縣西北四十里今爲舊縣鎮明天順初移今治春

穀廢縣南陵廢縣竝在縣西北

赭圻城在縣西四十里赭圻嶺下卽吳時所置赭圻屯處也

廬州府 衝難

原額人丁二十七萬三千六百一  
又滋生人丁七千一百七十一

禹貢揚州之域周爲舒巢國地戰國屬楚秦屬九江郡漢初爲淮南郡地文帝十六年分置廬江國而合肥縣屬九江郡後漢



為九江廬江二郡地三國屬魏晉仍屬淮南廬江二郡東晉于  
 合肥僑置南汝陰郡梁天監五年于合肥置豫州改南汝陰曰  
 汝陰郡普通七年改南豫州太清元年又改合州北齊又分置  
 北陳郡隋開皇初廢汝陰北陳廬江等郡于合肥縣置廬州大  
 業初改州為廬江郡始治合肥唐復曰廬州天寶初復曰廬江  
 郡乾元初復曰廬州屬淮南郡五代初屬楊吳後屬南唐置昭  
 順軍周改保信軍宋曰廬州廬江郡屬淮南西路元至元十三  
 年立淮西總管府明年改廬州路總管府明初立江淮行省于  
 此尋改廬州府

本朝因之分防同知駐無為州

府境 東西距三百一十里  
 南北距三百六十里  
 東至和州含山縣界一百九十里  
 西至六安州界一百二十里

南至安慶府桐城縣界二百四十里  
 北至鳳陽府定遠縣界一百二十里  
 東南至和州治三百里  
 西南至湖廣黃州府治入百里  
 東北至滁州治二百八十里  
 西北至鳳陽府壽州治一百八十里  
 自府治至京師二千四百六十里

土貢 礬 漆 白蠟 絲布 絹 石斛

管縣四州一

合肥 廬江 舒城 無為州 巢縣

合肥縣 衝繁疲難郭下 有護城驛店埠石梁青陽長城清  
 水五鎮巡檢二駐石梁青陽

漢置合肥縣屬九江郡後漢為侯國三國屬魏晉屬淮南郡東  
 晉于此置南汝陰郡改縣曰汝陰隋開皇初復曰合肥為廬州  
 治

小峴山在縣東七十里齊永元二年蕭懿討裴叔業于壽陽將



步軍屯小峴又有大峴在小峴之東六朝時自壽陽趨建康此為要路

肥水源出縣西南紫蓬山北流二十里分為二其一東流逕縣又東南入巢湖其一西北流二百里至鳳陽府壽州入淮又施水在縣東即肥水分流之一也亦名金斗河滁水在縣東北源出廢梁縣之龍潭又東入滁州全椒縣界

逍遙津在縣東肥水津濟處也孫權攻合肥張遼敗之于逍遙津北

縣故城在今縣北名金斗城遺址尚存漢遼遼故城在縣東北今地名清水橋劉宋僑愼縣故城在縣東北今為梁縣鎮

新城在縣西北三十里三國時魏滿寵所築滁陽城在縣東北吳赤烏十三年孫權遣兵斷滁作堰以淹北道遂築此城為守

備

廬江縣 簡北至府一百六十里 有金牛一鎮

春秋時舒國漢初置舒縣屬淮南國文帝十六年分置廬江國治此後為廬江郡治三國時廢為吳魏境上地晉復置屬廬江郡南齊建元二年復為郡治梁為湘州治北齊州廢隋開皇初郡廢改縣曰廬江大業初屬廬江郡唐屬廬州宋改屬無為軍明初還屬廬州府

關山在縣西二十五里三國時曹魏守隘之所石門猶存又銅坑山在縣東南十里出銅鉛山在縣東北七十里出鉛礬山在縣東南四十五里與無為州分界出礬

舒縣故城在縣西

慕家城在縣東二十里



舒城縣

衝繁東北至府一百二十里

有三溝梅心二驛九井曉天二鎮巡檢駐曉天

春秋羣舒地漢置龍舒縣屬廬江郡宋省唐開元二十三年析合肥廬江二縣地置舒城縣即春秋時舒鳩城屬廬州

龍舒河在縣南三里左傳杜預注廬江西南有龍舒即此水七門堰在縣西南七門山下共溉田二萬餘頃漢初所築後漢末劉馥經理之為灌溉之利

高陽城在縣西南二十里頡羹城在縣西北三十里亞父城在縣東南十五里茆城在縣東南二十里霍湖城在縣南五里周瑜城在縣西十八里又有花家羊家繆家及團基陽石等城皆南北朝及南宋初戍守之所

無為州

衝繁西北至府二百六十里

有柵港土橋樛潭黃落河四鎮巡檢四駐

土橋黃落泥汊河吳龍

春秋時巢國地漢初置襄安臨湖二縣屬廬江郡晉後省為南譙郡蘄扶陽等縣地隋為廬江郡襄安縣地唐為巢縣地宋太平興國三年始分巢縣無為鎮建無為軍尋廢淳化中復置熙甯三年又析巢廬江二縣地置無為縣為軍治元至元十四年升無為為路二十八年降無為為州屬廬州路明洪武初以州治無為縣省入屬廬州府

大江在州東南自安慶府桐城縣流入又東入和州界與池州府銅陵太平府繁昌對岸

襄安故城在州南四十里襄安鎮臨湖故城在州西南臨湖圩扶陽僑縣在州西北唐開城廢縣在州西開成鎮

新附城在州南十五里吳諸葛恪築以居新附者因名



濡須塢在州東北五十里接巢湖漢建安十七年孫權築塢于此以拒曹操

巢縣

簡西至府一百八十里

有鎮巢驛巡檢駐橐皋

夏商時南巢地周爲巢伯國後屬楚爲居巢邑秦置居巢縣漢屬廬江郡後漢爲居巢侯國晉仍爲縣太原中僑置南譙郡改居巢置新縣屬焉梁爲南譙郡治北齊郡廢隋開皇初改新縣曰襄安唐武德三年于縣置巢州七年州廢改縣曰巢屬廬州宋太平興國三年分屬無爲軍紹興五年廢六年復置十一年屬廬州十二年還屬無爲軍景定三年升爲鎮巢軍元至元二十八年罷軍復曰巢縣屬無爲州

本朝屬廬州府

坻箕山在縣南三十七里一名踞蹠山春秋昭公五年楚子觀

兵于坻箕山

巢湖在縣西十里界廬江舒城二縣境周四百餘里港汊大小三百六十納諸水以注大江後漢書灤湖出黃金廬江太守以獻

濡須水在縣南源出巢湖東南流逕無爲州東入江一名柵口水又名石梁河

居巢故城在縣東北五里樂史云古居巢城陷爲巢湖漢橐皋故城在縣西北春秋哀公十二年公會吳于橐皋晉南譙僑郡城在縣東南二十里劉宋潁川僑郡城在縣東南

偃月塢在縣東南吳志呂蒙勸權峽水口立塢形如偃月故名東關在縣東南濡須水所經也東南有石渠鑿山通水是名關口相傳云夏禹所築一號東興今其地高峻險狹實守阨之所







府二十八年復曰濠州屬安豐路明初吳元年復曰臨濠府洪武二年升為中都六年改曰中立府七年改曰鳳陽府本朝因之分巡廬鳳潁道及分防通判竝駐正陽鎮

府境 東西距四百二十八里 南北距四百八十里

八到 東至泗州府界一百八十里 西至潁州府界一百四十里 南至廬州府界一百五十里 北至徐州府界一百三十里 東南至六安州界三百三十里 西南至泗州府界三百四十里 東北至徐州府界二百四十里 西北至河南歸德府界五百五十里 自府治至京師一千九百八十五里

土貢 銅 鍾乳 綿 絲布 絹 葛布 麻布 茶 雲母 磬石 石斛 茜州 紫色艾

管縣五州二 鳳陽 懷遠 定遠 壽州 鳳臺 宿州 靈璧

鳳陽縣

衡繁疲郭下

有主莊紅心二驛臨淮淮東二鎮縣丞駐溪河主簿駐蚌埠集巡檢駐臨淮鄉

漢置鍾離縣屬九江郡三國時廢晉太康二年復置安帝于縣置鍾離郡又改縣曰燕縣北齊初復曰鍾離縣明洪武三年改縣曰中立尋又改曰臨淮七年始分置鳳陽縣兼移府治于此本朝乾隆十九年復省臨淮縣入焉

西濠水源出縣南利山西北流逕懷遠縣南塗山之麓北入淮

東濠水源出縣南濠塘山北流合西濠水南濠水注淮

鍾離故城在縣東舊有東西二城濠水流于其中臨淮故城在

縣東北二十里劉宋朝歌僑縣在縣東樂平廢縣在縣東南

公路城在縣東袁術淮南時所築西古城在縣東十八里魯城

在縣西魯山東趙草城在臨淮舊縣東北



臨淮關在臨淮舊縣北臨淮門外設戶部榷課今歸巡撫侍郎管理

千人塘在縣南唐乾封中修以溉田

懷遠縣疲難東南至府七十里 有上審洛河二鍾

漢置當塗侯國屬九江郡又平阿侯國屬沛郡後漢為當塗平阿二縣皆屬九江郡晉屬淮南郡安帝僑置馬頭郡省二縣入之劉宋初以郡屬南豫州秦始後屬北徐州後魏屬楚州北齊改曰馬頭縣又改置荆山郡隋開皇初郡廢改縣曰塗山屬鍾離郡唐武德四年省入鍾離宋寶祐五年置懷遠軍及荆山縣元至元二十八年省荆山廢懷遠軍為縣屬濠州明屬鳳陽府塗山在縣東南八里淮河東岸亦名當塗山左傳昭公四年椒舉言穆有塗山之會卽此又縣西南一里有荆山圖經荆塗二

山相為一脈禹鑿為二以通淮流

淮水在縣東南自潁州府霍丘縣東流入逕壽州及鳳臺縣北始至縣境又東逕鳳陽縣北入泗州界落水一名洛澗水自廬州府合肥縣界流入逕定遠縣及壽州又北流至縣西南七十里注淮沙水在縣西南十里南注淮左傳昭公二十七年楚令尹子常以舟師及沙汭而還渦水俗名渦河在縣北一里與沙水並自潁州府蒙城縣界流入又東入淮謂之渦口

當塗故城在縣東南平阿故城在縣西南六十里平阿集漢龍亢故城在縣西北七十五里龍亢集義成故城在縣東北十五里卽古渦口城後魏荆山故城在縣北三里俗謂之舊城已廢廢縣在縣北三十里名古城



郭陂塘在縣南二十里卽晉時鎮城舊址周四十里受南山諸水爲一方沃灌之利

荆山堰在縣南荆塗二山之間梁書天監十三年魏降人王足陳計堰淮水以灌壽陽引北方童謠云荆山爲上格浮山爲下格潼沱爲激溝併灌鉅野澤高祖發徐揚人二十萬于鍾離南起浮山北抵巉石依岸以築土合脊于中流引東西二冶鐵器數十萬斤沈于堰所猶不能合乃伐樹爲井榦填以巨石加土其上緣淮百里內岡陵木石無巨細必盡十五年四月堰乃成其長九里下濶一百四十丈上廣四十五丈高二十丈深十九丈五尺夾之以隄蒞樹杞柳軍人安堵列居其上其秋八月淮水暴長堰悉壞決奔流入海

定遠縣

衝繁北至府九十里

有池河張橋定遠三驛藉塘鎮主簿駐爐橋巡檢駐池河

秦置東城縣漢屬九江郡後漢屬下邳郡晉屬淮南郡劉宋省梁天監初改置定遠縣兼置定遠郡及安州太清中州廢北齊改郡曰廣安隋開皇初郡廢以定遠縣屬鍾離郡唐屬濠州明屬鳳陽府

池水在縣東南六十里自廬州府巢縣流入又東北入泗州盱眙縣界入淮謂之池口

東城故城在縣東南漢陰陵故城梁沛郡故城在縣西北

菱蒲城在縣西南亦名定遠廢城梁興普通七年胡龍牙掠菱蒲城生擒五千人藍柵城在縣西南二十五里柴王城在縣東北大橫山上

壽州

繁疲難東少北至府一百八十里

有北鑑瓦埠來遠正陽花籃關團六鎮巡檢駐正陽



春秋時六蓼國地戰國時楚壽春邑秦置九江郡漢初改淮南國元狩元年復爲九江郡三國魏曰淮南郡正始初爲揚州治晉亦曰淮南郡後改置南梁郡義熙中兼置豫州後魏景明元年改曰揚州梁普通七年復曰豫州太清二年曰南豫州東魏武定七年復曰揚州陳復曰南豫州後周復曰揚州隋開皇初郡廢九年改曰壽州置總管府大業元年府罷尋復曰淮南郡唐武德二年復曰壽州七年置都督府貞觀元年府罷天寶初改壽春郡乾元初復曰壽州五代初屬楊吳置忠正軍節度南唐改爲清淮軍周顯德二年復曰忠正軍徙治下蔡宋初復曰壽州壽春郡忠正軍節度政和六年升壽春府乾道三年罷府爲安豐軍還治壽春元至元十四年改安豐路總管府尋爲散府二十八年改安豐路明初復爲壽春府尋曰壽州以州治壽

春縣省入屬鳳陽府

八公山在州北少東五里肥水之北淮水之南亦名北山硤石山在州西北二十五里鄗道元云淮水北經山硤中謂之硤石對岸山上結二城以防津要芍陂水在州南亦名期思陂周一百二十里楚相孫叔敖所造自漢及

本朝歷代修築夏肥水自潁州府潁上縣流入州西北又東南入淮俗曰西肥河肥水在州東北自廬州府合肥縣界西北流入至肥口北入淮俗曰東肥河泚水在州西七十里自潁州府霍丘縣流入北注淮

漢成德故城在州東南晉安豐僑縣城在州西南六十里安豐鄉陳留僑郡在州南宋崇義廢縣齊北譙廢縣在州東南故曲



陽縣地唐肥陵廢縣在州東南

馬頭戍城在州西北二十里南北朝時淮濱戍守處梁城在州

東北狄城在州南蒼陵城在州西西城魏昌城在州北

肥水堰在州東北南齊建元二年魏寇壽春垣崇祖堰肥水以決寇

正陽關在州西六十里正陽鎮巡撫侍郎委官權稅

鳳臺縣疲難東北至府一百八十里有下蔡趙步二鎮

本朝雍正十一年析壽州東北境置與州其城治

漢下蔡故城在縣西北三十里下蔡鎮曲陽故城在縣東北八十三里

宿州繁疲難東南至府二百三十里

有睢陽大店夾溝三驛桐虛柳子黃團三鎮

漢相及符離二縣後漢改置沛國東晉省符離縣梁大通中僑

置淮陽縣兼置睢州沛郡東魏武定六年改郡曰睢南縣曰斛

城北齊天保七年又改縣曰符離省相縣入之隋開皇初郡廢

三年州廢以縣屬彭城郡唐武德四年屬徐州元和四年于縣

置宿州太和三年州廢七年復置宋曰宿州符離郡開寶元年

建保靜軍節度金曰宿州貞祐三年復升保靜軍節度元屬歸

德府至元二年省州治符離縣入州明洪武初改屬鳳陽府

相山在縣西北下有漢相縣故城址即相土舊都之所定陶山

在州北魏時定陶縣在山下

北肥水源出州西南龍山湖又東南流逕懷遠縣北十里入淮

渙水自河南永城縣流入逕州南又逕靈璧縣南至泗州五河

縣西北今謂之滄河苞水解水竝在州西南竝下合渙水又沱



水源出州東南紫蘆河歷靈璧縣泗州至五河縣界注淮

漢蘄縣故城在州南今為蘄縣集相縣故城在州西北竹邑故城在州北梁臨渙故城北齊龍山故城在州西南漢甯巨廢縣在州東北六十里魏廣平廢縣白禪廢縣在州西南後訛為百善今州西七十里有百善集定陶廢縣新豐廢縣在州北斛城廢縣在州東北唐諸陽廢縣在州西北

靈璧城在州西北

大澤鄉在州西南

古袞亭在州西左傳桓公十五年公會宋公衛侯陳侯于袞

靈璧縣

衝繁疲難東南至府一百八十里

有固鎮一鎮巡檢駐

漢置穀陽浚二縣屬沛郡晉省穀陽劉宋兼省浚縣僑置陽平郡屬徐州蕭齊永明元年郡廢後魏世宗復置陽平郡東魏武

定六年改置穀陽郡隋開皇初郡廢改縣曰穀陽屬彭城郡唐武德四年屬仁州又屬北譙州及徐州顯慶元年省宋元祐元年置靈璧縣二年廢屬虹縣政和七年又改置靈璧縣屬宿州元至元四年改屬泗州十七年還屬宿州

本朝屬鳳陽府

磬石山在縣北七十里樂史云今取磬石上供樂府

黃河在縣北一百二十里卽古泗水也睢水自河南永城縣界流逕宿州又東流逕縣北六十里與江蘇蕭縣睢寧接界古浚水在縣東南古汴水自河南永城縣界流入逕宿州南又東南逕縣南又東南入泗虹州界古蘄水自河南永城縣流入宿州又東逕縣境入泗虹州界

梁仁州故城在縣東南浚縣故城在縣南五十里濠城集穀陽



故城在縣西南又有連城舖在縣南百里梁所置連城縣故址也魏臨潼故城在縣東北七十里潼郡鄉晉陽平僑郡在縣南固賢城在縣北七十里

垓下聚在縣東南陰陵山之南

潁州府 繁疲難

原額人丁一十九萬五千九百又滋生人丁六千四百五十七

禹貢豫州之域春秋時胡國戰國屬楚秦屬潁川郡漢置汝陰縣為汝南郡都尉治三國魏黃初三年于汝陰縣置汝陰郡後廢晉泰始二年復置咸康二年省入新蔡後復置後魏孝昌四年于郡置潁州北齊州廢隋開皇初郡廢大業初復為汝陰郡唐武德四年改置信州六年復曰潁州宋初曰潁州汝陰郡元豐二年升順昌軍節度政和六年改順昌府金復曰潁州元至

元二年省州治汝陰縣入州三十年以州屬汝寧府明初改屬

鳳陽府領潁上太和二縣

本朝雍正二年直隸安徽布政使司改太和縣屬亳州以鳳陽

府壽州之霍丘來屬十三年升為府

府境 東西距二百八十五里南北距三百五十里

八到 東至鳳陽府壽州界一百六十五里西至河南沈丘縣界一百二十里南至河南固始縣界一百二十里北至河南商邱縣界二百三十里

東南至六安州界二百八十里西南至汝寧府新蔡縣界一百二十里

東北至鳳陽府宿州界二百六十里西北至河南鹿邑縣治一百五十里

自府治至京師一千八百二十里

土貢 絨綿 縐紗絹 紅花 藍靛

管縣五州一



阜陽 潁上 霍丘 亳州 太和 蒙城

阜陽縣

繁疲難郭下

有沈丘永壽王家市三鎮巡檢駐沈

本朝雍正十三年升州為府置阜陽縣為府治

淮水自河南固始縣界流入逕縣南及霍丘潁上二縣入鳳陽府界潁水自河南沈丘縣界流入逕縣北及潁上縣東南流入淮汝水自河南息縣東流入逕縣南注于淮谷水在縣南七十里即汝水支流也又縣南五十里有澗水亦汝水支流又柳河在縣西北至縣東注潁

椒陂在縣南新唐書汝陰南三十五里有椒陂塘引澗水溉田二百頃又有清陂在縣西南一百六十里引汝水灌田為利甚溥

隋清丘故城在縣東潁水北岸唐永安故城在縣西南一百四

十里汝水北岸漢富波原鹿廢縣並在縣南梁財丘廢郡在縣西胡城廢縣在縣西北即春秋胡子國平輿廢縣在縣南北枕谷河俗呼為遠城

寢丘城在縣西北楚相孫叔敖所封地里城在縣西南一百十里又六十里有唐屯城黃城在縣西一百三十五里又十五里有古阜陽城今置郵舍任城在縣北三里東城西城在縣北七十里兩城相去三十里

潁上縣

疲難西北至府一百二十里

有正陽漕口江口三鎮

春秋楚慎邑漢置慎縣屬汝南郡晉改屬汝陰郡宋廢梁僑置潁川郡東魏改曰下蔡郡齊廢郡大業初改縣曰潁上屬汝陰郡唐屬潁州金元光二年改屬壽州元初還屬潁州至元二年省入州後復置



江陂水在縣北俗名江口河源出州界蘆畧南流入潁

縣故城在今縣南卽古鄭城也慎縣故城在縣西北四十里江口鎮左傳哀公十六年吳人伐慎楚自公敗之

甘城在縣北荆亭城在縣西武陰城在縣東南

霍巨縣繁疲難西北至府一百九十里

有隱賢開順高唐三鎮巡檢駐開順

春秋時蓼國地漢置安風縣屬六安國後漢曰安風侯國屬廬江郡三國魏置安豐郡晉安帝省郡爲安豐縣地宋末復置安豐郡東魏郡縣俱廢隋開皇十九年改置霍巨縣屬淮南郡唐武德四年於縣置蓼州七年州廢屬壽州神功元年改曰武昌景雲元年復故宋紹興十二年屬安豐軍元屬安豐路明屬壽州

本朝雍正二年改隸潁州

大別山在縣西南九十里一名安陽山書禹貢內方至于大別鄭康成注大別在廬江安豐縣班固云安豐縣禹貢大別山在西南

決水在縣西八十里自河南固始縣接界流入北入淮按當卽說文漣水以音近而誤窮水在縣西酈道元云源出安豐縣窮谷北流注于淮泚水在縣東五十里自六安州北流逕縣東北入鳳陽府壽州界泄水在縣東南注淠謂之濡口新河在縣北二十五里淮水支流也宋宣和以前不通舟楫建炎後河流漸大東北合于淮水

安豐故城在縣西南漢陽泉故城在縣西晉松茲故城在縣東十五里博鄉廢縣在縣南安風廢縣在縣西南二十里義城在縣東北箕子城陽石城在縣南



亳州

衝繁難南至府一百八十里

有雙溝義門二鎮巡檢駐義門

春秋陳國焦邑戰國屬楚秦置譙縣漢屬沛郡建安中置譙郡  
晉咸康四年僑置陳留郡後魏正始中兼置南兗州梁中大通  
四年改曰譙州周置總管府後改曰亳州隋開皇初府罷郡廢  
大業初復曰譙郡唐武德四年復曰亳州五年置總管府旋罷  
天寶初復曰譙郡乾元初復曰亳州宋曰亳州譙郡大中祥符  
七年升為集慶軍節度金初曰亳州貞祐三年復為集慶軍節  
度元曰亳州至元八年屬歸德府明洪武初以譙縣省入六年  
降為亳縣屬潁州宏治九年升為州屬鳳陽府  
本朝雍正二年升為直隸州十三年屬潁州府  
渦水自河南鹿邑縣流入潁州北又東逕蒙城縣北入鳳陽府  
界苞水在州東北五十里源出州北舒安湖東流注渦沙水在

州南六十里今亦謂之明河按明水本沙水支流皆自河南鹿

邑縣流入州境或下流二水已合故又名明河也漳水在州南

三十里源通潁上諸湖沙水下流也東注渦

漢城父故城在州東南今名城父邨後魏下邑故城在州東北

五十里隋梅城故城在州南唐藥城故城在州東南扶陽故城

在州東北三十二里漢思善廢縣在州東南今州南八十里古

城集疑即其遺址晉長垣僑縣在州東

太和縣繁難東南至府八十里

有斤溝洪山二鎮巡檢駐洪山

戰國魏邾丘邑漢置新邾新陽細陽三縣皆屬汝南郡後漢建

初四年改新邾為宋公國晉省新陽細陽以宋公國為宋縣屬

汝陰郡齊周時省隋唐為汝陰縣地宋開寶六年分汝陰置萬

壽縣屬潁州宣和後改曰太和元至元二年省入州大德八年



復置明初移屬河南汝甯府洪武三年仍屬潁州

本朝雍正二年屬亳州十三年屬潁州府

夏肥水自蔡河即沙水分流經縣北九十里又逕亳州阜陽潁上

入鳳陽府壽州界班固云城父夏肥水東南至下蔡入淮過郡

二行六百二十里沙河在縣南二里自河南沈丘縣流入又逕

阜陽縣西北合柳河注潁茨河即古細水在縣北六十里又逕

阜陽縣北合柳河注潁

乾谿在州東南左傳昭公八年楚伐吳次于乾谿

新陽故城在縣西北六十里信陽城即古新陽之訛也細陽故

城在縣東茨河西岸新鄭故城在縣北七十里俗訛為宋王城

劉宋萬壽故城在縣東北四十里今為元墻集隋潁陽故城在

縣東北三里

樂昌城在縣東史記高后八年封張敖前姬子壽為樂昌侯徐

廣注今細陽之池陽鄉

蒙城縣

繁難西南至府一百八十里

有內津一鎮

漢置山桑縣屬沛郡後漢為侯國屬汝南郡魏改屬譙郡宋省

南齊僞置馬頭郡後魏大中十八年置南兗州仍領馬頭郡治

渦陽景明中改置渦州及渦陽郡渦陽縣梁大通元年改曰西

徐州東魏武定六年改曰譙州南譙郡隋開皇初郡廢十六年

改縣曰肥水大業初州廢又改縣曰山桑唐天寶元年改曰蒙

城五代南唐屬壽州宋仍屬亳州金又屬壽州元屬安豐路明

仍屬壽州

本朝雍正二年改隸亳州十三年屬潁州府

北淝水在縣北三十里東流入鳳陽府懷遠縣界



山桑故城在縣北齊蒙縣故城在縣西北三里

瑕城在縣東北左傳成公十六年楚師還及瑕

下城父聚在縣西北史記秦二世二年陳涉之汝陰還至下城

父為其御莊賈所殺又垂惠聚在縣西北

廣德州 繁疲難 有四安一鎮巡檢二駐杭村廣安

原額人丁七萬二百八十三  
又滋生人丁四百九十

禹貢揚州之域春秋時吳桐汭地漢為丹陽郡故鄣縣地後漢  
末分置廣德縣仍屬丹陽郡晉屬宣城郡齊時嘗為郡治梁紹  
泰元年析置石封縣兼置廣梁郡陳永定二年改陳留郡隋平  
陳郡廢省廣德縣改石封曰綏安屬宣城郡唐武德三年於縣  
置桃州七年州廢屬宣州至德二載復改綏安縣曰廣德五代  
南唐保大八年置廣德制置司宋太平興國四年置廣德軍元

至元十四年升為廣德路明初為廣德府改縣曰廣陽洪武四

年降府為州十三年以州治廣陽縣省入直隸南京

本朝屬安徽布政使司

州境 東西距一百三十里

入到 南北距一百三十里

東至浙江長興縣界三十里

西至寧國府宣城縣界一百里

南至浙江孝豐縣界六十里

北至鎮江府溧陽縣界七十里

東南至長興縣界五十里

西南至甯國府宣興縣界七十里

東北至常州府高淳縣界一百三十里

自州治至 京師二千七百八十里

土貢 茶一絲一漆 桐油 玉面狸

管縣一 建平

建平



桐水在州城西北源出州西南八十里白石山又逕建平縣南西北流入江甯府高淳縣界入丹陽湖左傳哀公十五年楚伐吳至桐汭杜預注廣德縣西南有桐水

廣德廢縣在州東

建平縣繁難東南至州九十里有梅渚一鎮巡檢駐

漢故鄣縣地三國以後與州同宋端拱元年以廣德縣郎步鎮

置

南湖在縣西南四十里一名南綺湖其水流入丹陽諸湖入大江

江

浮湖塘在縣東五里周一百三十七頃灌田一萬二千餘畝凡縣境之塘五十有五

諸葛城浮城並在縣西十里

滁州衝繁有滁陽大柳二驛烏衣大柳二鎮巡檢駐大鎗

原額人丁一萬二千二百九十二  
又滋生人丁九百三十七

禹貢揚州之域戰國屬楚秦為九江郡地漢為九江郡建陽縣後漢為全椒縣地晉屬淮南郡東晉初僑置頓丘縣及郡後郡廢以縣屬秦郡宋元徽元年改置新昌郡治頓丘縣東魏移譙州來治亦曰南譙州隋初郡廢改南譙州曰滁州頓丘曰新昌十八年又改曰清流大業初州廢以縣屬江都郡唐武德三年復置滁州天寶初曰永陽郡乾元初復曰滁州宋曰滁州永陽郡元至元十五年升為滁州路二十年仍降為州明初以州治清流縣省入屬鳳陽府直隸南京

本朝屬安徽布政使司

州境東西距一百九十里  
南北距三百七十里



入到

東至江甯府六合縣界一百二十里  
西至鳳陽府定遠縣界七十里  
南至和州界一百八十里  
北至泗州府盱縣界一百九十里  
東南至江甯府江浦縣界五十里  
西南至廬州府合肥縣界一百八十里  
東北至泗州府長縣界一百五十里  
西北至定遠縣界一百五十里  
自州治至京師二千二百五十里

土貢

貨布 絹 銅

管縣二

全椒 來安

清流關在州西南又州西北石駝山有北關口即清流關之北口也

滁水自廬州府合肥縣界流入逕全椒縣南又東北逕州東南六十里入江甯府界三國吳孫權赤烏十年出滁中遂至高山

清流水自定遠縣界流逕州東二里東南注于滁水

建陽故城在州東後魏荻港故城在州城西北

三城在州城東塘惟城在州南三十里

全椒縣 簡北至州五十里 有六丈一鎮

漢舊縣屬九江郡晉屬淮南郡東晉廢縣僑置南譙州梁改郡縣皆曰北譙大同二年兼置譙州後魏移州治新昌廢北譙郡入臨滁陳大建七年復曰北譙郡隋開皇初郡廢改縣曰滁水大業初又改曰全椒明初省入州洪武十四年復置

銅井山在縣西七十里有銅井廣十餘丈深不可測舊傳于此采銅按新唐書滁州有銅坑當即此九鬪山在縣西北括地志項羽敗走至此一日九戰因名

襄水在縣北源出石臼山東南流入于滁縣境溪澗諸水三十



有一其十有五入滁十有六入襄水

漢阜陵故城在縣東南地名赤土岡晉南譙僑郡城在縣西北又有北譙城在縣西北二十里新高邨皆齊梁時故址鄗城僑縣在縣西南鄗湖濱齊嘉平廢縣在縣西南

襄城在縣西豐樂城在縣西南七十里

高塘在縣西三十里周八里有奇可灌田

來安縣簡西南至州四十里有白塔一鎮

漢建陽全椒二縣地東晉為頓丘縣地梁置高塘郡屬譙州齊周時廢郡為高塘縣隋開皇初縣廢為清流縣地唐景龍三年析置永陽縣屬滁州五代南唐昇元二年改曰來安宋乾道中廢縣為鎮尋復為縣

高塘廢郡在縣東北白塔鎮晉頓丘僑縣城在縣東橫風邨

趙王城在縣東三十里

和州繁疲有梁山裕溪姥下石跋烏江五鎮巡檢二莊牛屯河裕溪

原額人丁一十萬三千四百九十四又滋生人丁五百五十九

秦以前同滁州漢置歷陽縣為九江郡都尉治後漢為揚州刺史治三國屬吳晉初屬淮南郡永興元年分置歷陽郡宋永初二年又于郡置南豫州齊建元二年州廢以郡屬豫州永明二年屬南豫州北齊兼置和州隋平陳郡廢大業初復改州為歷陽郡唐仍曰和州天寶初復曰歷陽郡乾元初復故宋曰和州歷陽郡元至元十五年升為和州路二十八年復降為州隸廬州路明初吳元年以州治歷陽縣省入洪武三年廢州為歷陽縣尋復為和州直隸南京本朝屬安徽布政使司



州境

東西距一百八十里  
南北距一百八十里

八到

東至江甯府江浦縣界六十里
西至廬州府巢縣界一百二十里
南至廬州府無為州界九十里
北至滁州全椒縣界一百一十里
東南至太平府當塗縣界六十里
西南至無為州治一百五十里
東北至江浦縣治一百五十里
西北至廬州府合肥縣治二百八十里
自州治至京師二千二百八十里

土貢

紵布 茶 魚

管縣一

含山

梁山在州南六十里俯臨大江亦名西梁山宋大明七年祀梁山  
大閱江中立雙闕于山上李吉甫云兩岸山頂各有城竝宋  
王元謨築陰陵山在州北八十里接江浦縣界即項羽迷道處

大江在州東南自廬州府無為州界流入又東北入江浦縣界  
江流自西南繞而東北故昔稱和州為江西

橫江浦在州東南漢興平元年劉繇遣將樊能屯橫江當利浦  
在州東南大江之別浦也劉繇遣將張英屯當利口烏江浦在  
州東北四十里項羽欲東渡烏江即此

歷陽湖在州西一曰麻湖源出桑山淮南王書歷陽之都一夕  
而為湖明永樂初湖水涸議堰為田凡三萬一千二百餘畝景  
泰二年田始成然地平衍水難驟洩時有潦溢之患又州西十  
五里有澧湖亦明永樂初議置為田凡萬七千五百餘畝其利  
病與歷陽湖同

韋游溝在州東北引江水至郭十五里溉田五百頃開元中縣  
丞韋丑所開貞元十六年縣令游重彥復治之民享其利因以



姓名溝

宋雍丘僑縣城在州南晉烏江廢縣在州東北烏江鎮穀熟僑縣在州西北

遏胡城在州西晉王導所築以遏石虎

含山縣繁東至州六十里

有運漕青溪二鎮巡檢駐運漕渠

漢歷陽縣地東晉僑置龍亢縣屬歷陽郡後周天和初省入歷陽唐武德六年改置含山縣以縣西二十里含山為名八年縣廢長安四年復置曰武壽縣神龍元年復曰含山明洪武三年改屬廬州府尋還屬和州

白石山在縣西南白石水發源于此

運漕河在縣南八十里梁侯景之亂王僧辯軍次蕪湖景將侯子鑿屯兵梁山以捍漕運故名

龍亢僑縣城在縣東南

晉王城在縣西

魚峴口在縣西二十里自巢縣而東由石梁通石門山東南逕達梁山為戍守要地昭關在縣北昭關山為廬濮往來之衝

六安州

繁疲難

有麻埠一鎮巡檢二駐和尚灘馬頭汛

原額人丁四萬四千八百八十三  
又滋生人丁一千七百七十九

禹貢揚州之域春秋時六國戰國楚地秦置六縣漢初為淮南國治文帝十六年分置衡山國武帝元狩元年國除為郡二年改置六安國後漢建武十三年以六安國屬廬江郡三國屬魏為廬江郡治晉復曰六縣為郡治宋省入潛縣隋為霍山開化二縣地唐開元二十七年改霍山置盛唐縣屬壽州五代梁改曰潛山後唐同光初復故晉天福中又改曰來化尋復曰盛唐



宋開寶四年又改曰六安政和八年於縣置六安軍紹興十三年廢為縣嘉定五年復為軍端平元年又為縣後復為軍元至元二十八年仍降為縣屬廬州路後復升為州明洪武初以州治六安縣省入屬鳳陽府十五年還屬廬州府

本朝雍正二年直隸安徽布政使司

州境

東西距二百一十里  
南北距二百四十里  
東至廬州府合肥縣界五十里  
西至河南固始縣界一百六十里  
南至安慶府潛山縣界一百八十里  
北至鳳陽府壽州界六十里  
東南至廬州府舒城縣界九十里  
西南至湖廣蘄水縣界四百里  
東北至合肥縣界六十里  
西北至穎州府霍丘縣治一百三十里  
自州治至京師二千九百五十里

土貢

茶 紙 藥

營縣二

英山 霍山

武陟山在州西二十里漢書元封五年南巡狩至于盛唐樂史云盛唐縣西二十五里有盛唐山當卽此

六縣故城在州北劉宋邊城廢郡在州西麻埠鎮

廣王城在州南百里白沙城馬亨城並在州北

英山縣 簡東北至州三百六十里 有七引店巡檢駐

春秋時英氏地漢江夏郡蘄春縣地唐蘄水縣地宋蘄州羅田縣地咸淳初分置英山縣以縣東五十里英山為名尋廢德祐二年復置元屬六安州明洪武初改屬鳳陽府十四年還屬六安州

古英氏城在縣東北左傳僖公十七年齊人為徐伐英氏



霍山縣

繁難東北至州九十里

有濠濱灣項家橋二鎮巡檢駐上土市

春秋潛國漢置潛縣宋為廬江郡治梁天監六年于縣置霍州又分置岳安郡岳安縣北齊州廢隋開皇初郡廢改岳安縣曰霍山唐武德初復于縣置霍州貞觀初州廢神功初改曰武昌神龍初又改曰霍山開元二十七年廢入盛唐縣天寶元年復置宋開寶四年省為鎮入六安明宏治七年復置屬六安州霍山在縣西又名天柱山爾雅霍山為南嶽注即天柱山潛水所出也文潁曰有祠

泚水今名泚水源出縣南境北流逕縣西又東北逕州城西入潁州府界班固云潁縣泚山泚水所出北至壽春入芍陂潁縣故城在縣東北三十里劉宋開化廢縣在縣北開化鄉隋泚水廢縣在縣東北

泗州

繁疲難 有馬驛一新興平山青陽三鎮

原額人丁六萬四千三百三十二屯丁四千一十六又滋生人丁二百九十七

禹貢徐州之域周為徐國秦屬泗水郡漢置徐縣元狩六年兼置臨淮郡後漢永平中改屬下邳國晉太康元年又分置臨淮郡治盱眙以徐縣屬焉永嘉後郡縣俱廢梁置高平郡東魏兼置高平縣隋開皇初郡廢十八年改縣曰徐城屬下邳郡唐初屬泗州長安四年割徐城置臨淮縣開元二十三年始移泗州治臨淮縣以徐城屬之天寶初改臨淮郡乾元初復曰泗州宋曰泗州臨淮郡建隆三年省徐城縣入之明初省州治臨淮縣入州改屬鳳陽府

本朝順治中州治陷于淮寄治盱眙縣山雍正三年升直隸州乾隆四十二年巡撫侍郎閔鶚元奏裁鳳陽府虹縣以泗州移



治之初改名泗虹州旋復舊名分防州同知駐雙溝

州境

東西距二百六十里

八到

南北距二百七十一里

東至淮安府清河縣界四十里

西至鳳陽府鳳陽縣界二十里

南至滁州來安縣界一百二十里

北至淮安府桃源縣徐州府宿遷縣界一百五十里

東南至揚州府江都縣界一百二十里

西南至滁州治一百九十里

東北至桃源縣治一百九十里

西北至鳳陽府宿州界二百七十里

自州治至京師二千二百里

管縣三

盱眙 天長 五河

淮水自鳳陽府臨淮縣流入逕五河縣東南又東逕州南與盱眙縣分界又東北入淮安府界圖經明隆慶六年淮黃俱溢萬

土貢

銅 絹 布 魚

歷二年淮水又隘河臣潘季馴始增築高家堰其後于大小澗口等凡入湖舊道盡築堤防自是淮水益壅

本朝順治中淮水盛溢州城遂圯于水汴水在州南下注淮今上流壅塞惟夏秋水漲舟楫僅通潼水在州西至五河縣注淮

俗名南潼河北潼水在州北東流注駱馬湖又萬安湖在州西北即潼陂也

高平湖在州東南即古高平縣地今淪為湖

漢僮縣故城在州東北七十里夏丘故城在故虹縣東取慮故城在故虹縣北徐縣故城梁朱沛故城在州東南陳高平故城

在州南唐臨淮故城在州東南百九十里宋淮平故城在州東高家城李千城南重岡城巉石城並在州東南屯城瀝橋城並在州東霸王城在州南二十里羊城在州西北四十里



古婁亭在州東北左傳僖公十四年楚人敗徐于婁林卽此

盱眙縣

疲難西北至州一百八十里

有都梁淮源二驛木場龜山二鎮

秦舊縣漢屬臨淮郡爲都尉治後漢屬下邳國晉太康元年干縣置臨淮郡永嘉後郡縣俱廢義熙七年復置盱眙郡宋元嘉二十八年嘗徙南兖州治此三十年州罷齊亦曰盱眙郡仍置盱眙縣建元四年移北兖州治此後魏屬淮州陳置北譙州尋廢隋開皇初郡廢屬江都郡唐武德四年于縣置西楚州兼置總管府八年州廢屬楚州光宅初改縣曰建中後復故建中二年改屬泗州五代時屬楚州宋乾德元年仍屬泗州後爲州治建炎二年升爲昭信軍四年復爲盱眙縣改屬濠州紹興二年還屬泗州十一年屬天長軍十二年復升爲招信軍元至元十四年立招信路總管府十五年改臨淮府二十七年府罷復爲

### 盱眙縣屬泗州

浮山在縣西一百二十里與五河分界酈道元云浮山北對嶢石山梁天監中築堰于二山之間龜山有上下二山上山在縣西南一里下山在縣東北三十里樂史云禹治水至桐柏山獲淮渦水神曰無支祁鎖之龜山之足淮水乃安流入海  
洪澤浦在縣東北三十里舊名破釜塘三國時鄧艾立白水塘與破釜相連開水門入以溉田隋煬帝幸江都道經此久旱遇雨因改今名運河在縣東北一名新河宋元豐六年發運使許元自淮陰開新河屬之洪澤避長淮之險其四十九里後發運使蔣之奇復增鑿腹河取淮爲源約六十里今在盱眙縣彭城

鄉

縣故城在今縣東北盱山之麓漢富陵故城在縣東北六十里



淮陵故城在縣西北八十五里晉考城僑縣城在縣西南魯縣故城在縣南三十里劉宋睢陵僑縣城在縣西五十里

公路城九山城在縣西北梁天監二年魏元澄入寇分命諸軍犯淮陵九山即此焦城在縣西奔精城在縣西南

天長縣 疲難西北至州三百三十里

有大儀銅城龍岡三鎮巡檢駐城門鄉

秦置東陽縣漢屬臨淮郡後漢屬下邳國後改屬廣陵郡晉仍屬臨淮郡東晉省劉宋僑置南沛郡及沛縣梁改置涇城東陽二郡兼置涇州陳廢州并二郡為沛郡周改郡縣俱曰石梁隋初郡廢大業初改縣曰永福屬江都郡唐初縣廢武德七年重置石梁縣貞觀初省入六合縣天寶初置千秋縣屬揚州七載改曰天長五代南唐昇元六年于縣置建武軍周顯德四年改置雄州宋初州廢改天長軍至道二年軍廢以縣屬揚州建炎

初仍為天長軍紹興初復為縣十一年復升軍明年復為縣改屬招信軍元屬泗州

石梁河一名官河在縣西北三十里源出滁州界山澗中又東北流入揚州府高郵州界

東陽故城在縣西北七十里故址尚存梁橫山故城在縣東南

三十里後周石梁故城在縣西北

五河縣 疲西北至州五十里 有安淮驛

漢置虹縣屬沛郡劉宋省唐武德四年復置屬仁州貞觀八年州廢為虹縣地宋初為泗州地咸淳七年置淮安軍兼置五河縣為治元初軍廢屬招信軍至元十七年改屬泗州明洪武初屬鳳陽府

本朝雍正三年改屬泗州



渙水自鳳陽府靈璧縣流入縣南至縣西北入淮今名澮河  
河在縣西北合渙水

縣故城在今縣南虹縣故城在縣西

邊軍城在縣治東項王城在縣西二十里大屯城在縣南七里

曾孫用勲校刊



